

# მამუკა სალარეიშვილმა გორის მუნიციპალიტეტში, სოფელ ტყვიავის საჯარო სკოლა დაათვალიერა

22 თებერვალი 2021

შიდა ქართლის სახელმწიფო რწმუნებულმა მამუკა სალარეიშვილმა გორის მუნიციპალიტეტში, სოფელ ტყვიავის საჯარო სკოლა დაათვალიერა და სასწავლო პროცესს გაეცნო. სკოლა ათასწლეულის გამონვევის ფონდის პროგრამის ფარგლებში რეაბილიტირდა და სრულად აკმაყოფილებს საერთაშორისო სტანდარტებს.

პედაგოგებთან და მოსწავლეებთან შეხვედრისას სახელმწიფო რწმუნებულმა ყურადღება გაამახვილა სასწავლო პროცესის მიმდინარეობისას უსაფრთხოების ნორმებისა და რეკომენდაციების სრული დაცვის მნიშვნელობაზე. "კორონავირუსის პანდემიამ სასწავლო პროცესის მიმდინარეობა შეცვალა, თუმცა 1 თებერვლიდან შიდა ქართლის რეგიონის საჯარო და კერძო სკოლებში სასწავლო პროცესი ჩვეულ რეჟიმს დაუბრუნდა. სასწავლო დანესებულებებში დაცულია უსაფრთხოების წესები, ყველა სკოლაში მიმდინარეობს თერმოსკრინინგი და საგანმანათლებლო დანესებულებები აღჭურვილია ყველა საჭირო ინვენტარით." - აღნიშნა სალარეიშვილმა.

ჯანდაცვის სამინისტროსთან ერთად შემუშავებული პროტოკოლის საფუძველზე, 2 კვირაში ერთხელ, მასწავლებლებსა და სკოლის ადმინისტრაციულ პერსონალს სავალდებულო ტესტირება უტარდება. სახელმწიფო რწმუნებულის თქმით, უსაფრთხოების დაცვა, საგანმანათლებლო ინფრასტრუქტურის გაუმჯობესება და განათლების ხელმისაწვდომობის უზრუნველყოფა სახელმწიფოს უმთავრესი პრიორიტეტია.